

鼇

峰

集

鰲峰集卷之十七

閩郡徐燠與公著

七言律詩

戊申元日

跡寄青山狎隱淪悠悠三十九年身  
鼓盆任達慚莊叟抱甕忘機學丈人  
角枕錦衾愁裏夜玉簫金管夢中春  
辛盤寥落椒觴冷禴祭無人爲采蘋

得程君房書却寄

尋真當日陟齊雲  
題鳳空歸不見君  
潦倒一官拋墨綬  
寂寥千古識玄文  
松蘿茗細先春采  
艾蒻香醪靜夜焚  
未泛山陰溪上雪  
雁來還遣尺書聞

寄張叔歿別駕分署景德鎮

鄱陽剖竹著賢勞  
郡閣晴看萬室陶  
數載已分雷煥劍  
一官猶佩呂虔刀  
月明蠡水湖光繞  
風捲窰烟寶氣高  
莫問故人生事少  
門前春雨長蓬蒿

吳元翰廬墓

宰木悲風咽夕暝  
臯魚雙淚落紛紛  
滿林薤葉晞朝露  
匝地松楸掃暮雲  
白鶴吊門依古樹  
野鳥啣土上孤墳  
山中夜雪深三尺  
腸斷哀聲不可聞

送潘汝一奉使入京便道過家

識宦南來笑獨醒  
春風環珮謁明廷  
先朝曳履占卿月  
遠道乘輅伴使星  
馬首天邊過易水  
鶴聲雲外聽華亭  
侍班遙望宮中樹  
溫室猶存幾

葉青

送林肩吾還吳兼寄令郎若撫

歸去吳天馬首東  
故園雲樹夢魂中  
折殘兩岸楊枝綠  
餐盡三山荔子紅  
茂苑看花孤寺月  
石湖載酒一帆風  
清言日夕思君遠  
更憶雄談有阿戎

謝在杭得子走筆爲賀

宜男花發挂桑弧  
謝朓生來似父無  
丹穴一毛鳴彩鳳  
渥洼千里產名駒  
堦前瑞出豐年玉  
掌上

上光搥不夜珠著就玄經誰得解傳家應自授  
童烏

送林叔寶之金陵

金陵佳麗舊京華千里長遊去路賒  
滿地蘼蕪珠勒馬夾城楊柳白門鴉  
東風古渡尋桃葉微雨孤村入杏花  
百萬纏頭堪買笑曲中春酒醉琵琶

贈吳肅卿理問

湖海聞名已十年知君家在冶城邊  
括成韻府

詩三百疏就玄門字五千度曲幾時聞白雪披  
雲今日見青天野人漫有抄書癖願結詞壇筆  
硯緣

五月念一日集高景倩木山齋食荔枝伯  
孺作水墨荔枝圖各賦

萬顆纍纍日飽嘗一枝偏帶墨痕蒼生來自  
有丹砂色寫出還疑黑葉香乍洗胭脂嬌翠袖新  
添螺黛變紅妝水肌絕類崑崙女不是王家十  
八娘

念三日蔣子良宅食荔鱈作

荔子新嘗鶴頂朱更烹乘鱈出中厨瓢開色瑩  
豐年玉子落光搖不夜珠樹杪日薰千顆熟海  
邊風送片帆孤山珍海錯同時美除却閩南處  
處無

送陳道育別駕之任嘉興

送君分竹古嘉禾南浦盈盈正綠波千疊雲山  
當郡少半空烟雨入樓多鴛鴦戲水湖邊亂驪  
鬘行春野外過處處風謠聞五袴新聲都是海



鹽歌

六月三日集惟秦伯孺在杭喬卿性冲景  
倩元化孟麟本宗諸子九仙觀避暑食  
荔分得回文

東城古樹遠蒼蒼日極雲天夏氣涼風捲翠濤  
松瀉響日薰丹顆荔生香通靈有夢仙遺蹟共  
樂行吟客繞廊空盡俗緣閒結社朧朧月影透  
踈篁

重重碧岫遠含光寂寂何仙九轉方松掛月扉

岩滴翠竹搖風壑洞生涼龍歸暮雨秋潭暗鶴  
睡晴烟午篆香峯是石鰲鞭已久逢人幾日醉  
傳觴

六月六日集鼇峯玉真院限韻

松風謾謾亂吹衣山上臺高暑氣微古樹蟬衝  
殘靄咽遠林鴉背夕陽歸竹流翠影諸賢集荔  
剝紅塵一騎飛郭外澄江清似練幾人詩句比  
玄暉

六月初八日食鵲卵荔枝賦咏

乾鵲填橋碧漢邊  
栗林遺卵綴蒼烟  
絳苞抱出星同燦  
玉乳探來石共圓  
風動寒巢驚彈過  
月明高樹儼珠聯  
莫言三匝無枝繞  
孕得靈胎木杪懸

蓮花樓避暑

城上高樓切絳霄  
八窻風入暑全消  
遠村古木青山寺  
曲岸垂楊白板橋  
早稻蒸雲香冉冉  
敗荷承雨響瀟瀟  
清涼不異陶貞白  
臥聽松間百尺潮

咏荔枝膜馬季聲雕龍館分賦

曾向忠州画裡描  
胭脂淡掃醉容消  
盈盈荷瓣風前落  
片片桃花雨後嬌  
白玉薄籠妖色映  
茜裙輕褻暗香飄  
嫣紅狼籍誰收拾  
十八閩娘紫綃

咏龍蝦

巨甲纖鱗點點紅  
生來元與玉虬同  
不聞玄血流原野  
漫有長鬚出海宮  
神變幾時能離水  
飛騰何日會乘空  
真非真是誰分辨  
喪魄應知誤

葉公

六月十四日過芝山寺瞰荔枝乘涼至夜  
閒緣寧許自蹉跎古寺乘涼屢屢過已識荔枝  
求價貴不妨榆莢數錢多幾竿脩竹通僧舍一  
林殘陽掛女蘿選得樹陰同偃息臥看行蟻上  
南柯

六月十五夜過法海寺荔陰坐月分賦

清光斜照布金園踏月相携扣院門蠟屐亂穿  
深竹影蒲團分坐古苔痕香醪寶鼎雙林繞鈴

誰浮屠半嶺喧殘荔垂紅還可掇漏深猶自臥  
雲根

六月十六日積芳亭瞰黃香荔枝

閩海從來說荔香誰知異品有深黃楚江寒菊  
初凝露燭國秋葵乍向陽玉貌隔簾窺賈女金  
丸滿地撒韓郎洞庭莫詫柑三寸瓊液空含顆  
顆霜

六月十七日饋在杭雙髻荔枝同咏

連理枝頭並蒂殷孳胎合浦蚌珠還月明漢水

雙妃佩花落天台二女鬟玉臂相聯嬌艷態香  
肩齊鞞闔朱顏新承秦虢夫人寵如殺華清舊  
阿環

雨後在杭孟麟諸君見過汗竹巢試武夷  
鼓山支提太姥清源諸茶分得林字

空齋不受片塵侵試茗松間碧靄深石罅寒濤  
終日沸瓦鐺甘露一時斟建溪粟粒追泉洞太  
姥雲芽近霍林總讓靈源香味勝白花浮椀滌  
煩襟

北苑清源紫筍香長溪芳巖盛旗槍洞天道士  
分筠筥福地名僧贈絹囊蟹眼煮泉相續汲龍  
團別品不停嘗盡傾雲液清神骨猶勝醜醜人  
醉鄉

賦得一騎紅塵妃子笑

劍閣巉岉綉嶺遙烟塵飛撲馬蹄驕香生荔子  
冰肌滑喜入芙蓉玉靨嬌檀口半遮依錦障瓠  
犀微動映紅綃漁陽鼓震明駝急春雨梨花怨  
未消



赤壁懷古

旌旗一夕出江東千古猶存石色紅  
烈炬燭天烽燧惡殘兵臨水舳艫空  
游魂夜哭松楸雨戰血秋腥草木風  
試向白門城上望荆榛狐兔滿吳宮

仲秋五日同周喬卿謝在杭蔣子材宿靈  
源洞時陸兒侍行

古洞重來禮石壇舊時遊侶半凋殘  
空林閣雨峰千疊絕磴梯雲路百盤  
澗底松泉隨客飲壁

問苔篆領兒看數聲啼鳥秋烟外瓦枕蘿茵午  
夢寒

登大頂峯

孤峯岑巖勢稱雄長嘯憑高眎遠空石壁吐雲  
盤鷲嶺海門浴日射鮫宮七閩井邑三山險萬  
里梯航百粵通俛仰昔賢登覽地壽聲依舊送  
天風

宿鼓山寺方丈

明月含輝照廣庭亂峯低壓寺門青佛堂夜靜

鳴寒磬僧塔年深折舊銘淨室獨關雲漠漠香  
厨遙引瀑泠泠半龕碧影秋燈寂一榻烟霞臥  
不醒

次陳軒伯無題

不唱歡聞唱懊儂愁腸難解恨難終賦成楚夢  
雲歸峽吹徹秦簫月在空疎柳影搖歌扇底百  
花香散舞衣中東風易使芳華歇獨向塔前惜  
落紅

經普度寺故址

禪林頽廢幾何年故址荒蕪鎖暮烟舊塔伐爲  
鋪路石古碑磨作甃墳磚夜寒魍魎窺人語日  
落狐狸抱子眠莫嘆空門也消歇由來滄海亦  
桑田

別王粹夫次韻

行李辭家又別君旅遊千里正秋分數行淚盡  
閩溪雨一片愁兼震澤雲楓葉戰霜紅簌簌蘆  
花吹浪白紛紛關山迢遞傷心處惟有啼鳥不  
可聞

別謝在杭次韻

頻年作客恨難平兩度題詩送我行暮雨冤消  
江雁影西風腸斷峽猿聲窮秋野柝雲邊驛午  
夜清砧水畔城從此相過踪跡少積芳亭上月  
空明

別馬季聲用韻

去歲同君旅粵鄉今年送我賦河梁麻衣拭淚  
真如雪葛屨行征獨屨霜南浦淒涼烟草碧東  
籬辜負菊花黃西風羸馬千山暮一任漂零客

路長

過建溪訪朱願良齋頭同魏君屏丘文舉  
鄭僑也楊叔照王久亨李君實分韻

滿庭梧竹送秋音  
燭西窻坐夜深  
江海漂零千里夢  
風塵離合十年心  
劇憐舊雨尊前會  
共歎新霜髮上侵  
草草相逢容易別  
馬頭岐路又沾襟

題浦城主人樓壁

解鞍投宿正斜曨  
故國鄉音喜漸聞  
獨雁一聲

秋欲盡啼鳥三匝夜初分嶺頭路遶梨關月溪  
畔城圍柳浦雲半壁殘燈眠不得枕痕愁淚拭  
紛紛

送李子重子俊還吳

海國寒生憶故廬馬蹄東去雪花初漂零作客  
空彈劍行李還家盡載書夜月沙邊聯雁驚秋  
風江上美鱸魚消魂不是無期別明歲相逢在

閩間

天恩法師開講芝山賦贈

芝寺宏開講法堂宗風從此播南方  
手中貝葉翻殘月舌上蓮花吐異香  
猛獸試禪應自伏野禽巢頂久相忘  
獨憐流浪紅塵客願濟浮生苦海航

送曹汝載之蜀

萬里梁州莫計程殘年風雪且孤征  
山形北去高標險水色西來濯錦明  
巫峽斷猿霜下淚青城歸鶴月中聲  
送君何事消魂甚蜀道從來不易行



送陳永奉之南昌訪衛開府

孤身漂泊向天涯  
西望洪都驛路賒  
殘歲豈堪愁作客  
他鄉長以醉爲家  
高樓暮捲珠簾雨  
古觀春開鐵柱花  
一領蓑衣風雪裡  
故人誰復念西華

戊申除夕

是年有毋喪

忽報春盤又頌椒  
俄驚四十是明朝  
屠蘇罷設新年酒  
喪祭還吹給事簫  
淚盡更憐齊偶失  
魂傷寧待楚辭招  
誰家白壁能周急  
獨對殘燈坐



上垂簾賣卜人萬里思君君不見峨眉山月幾  
回新

魚鳧舊國控三巴參省寧愁去路賒  
灑瀆掛帆衝石馬江祠拋食餉神鴉  
求書閣上搜玄草齏酒橋西祭浣花  
何處不堪供坐嘯莫言踪跡隔天涯

元夕詞

瑞靄濛濛夜色虛千門萬戶放燈初  
銀蟾未滿光猶薄絳蠟新燃跋有餘  
一曲梅花調玉管六

街油壁試香車星河半落歌聲歇剩有春風拂

綺疏

十三夜

向夕燒燈未盡歡今宵重出九衢看買來玉勒  
連鑣度抱得銀箏促柱彈楚舞三千爭卜夜秦  
樓十二不知寒高唐乍醒行雲夢又見東窓日

一竿

十四夜

處處鰲山燭影搖春風同賞可憐宵火龍列掛  
烟中市寶馬爭穿月下橋金縷齊翻遊女曲紅  
樓高弄玉郎簫香塵擾擾雞聲急陌上行人拾

翠翹 十五夜

鳳燭燒多淚漸灰  
漏聲催出月輪來  
金吾不比前宵弛  
寶扇還如昨夜開  
再撥檀槽和紫霧  
重移蓮步踏香埃  
人心不厭燈殘夕  
歌舞猶尋百尺臺

十六夜

九陌猶然挂九枝  
嫦娥來看寶燈遲  
堂前玉笋無心醉  
花裏琵琶不耐吹  
遊子淒涼愁永夜  
美人惆悵惜芳時  
魚龍百戲銀花合  
又是春風隔

歲期 十七夜

送倪祠古赴京秋試

紅亭綠酒折垂楊  
北望燕臺萬壑長  
南浦玉孫愁草碧  
上林舉子踏槐黃  
珠探領下驪光出  
金買臺前駿骨香  
醉後行歌帝城裏  
西山如黛月如霜

送謝在杭游霍林

蹤跡從來遍九州  
更尋第一洞天遊  
雲邊兩屐三千嶂  
天際雙童十二樓  
藥白霧蒸深澗曉  
竹枝風掃古壇秋  
名山久闕圖經久  
遷借如椽彩

筆脩

送周喬卿同謝在杭游霍林

霍林洞府秘仙蹤  
君去尋真踏亂峰  
長日對棋陪謝傅  
清宵揮麈學周顒  
溪橋采藥雲粘屐  
石磴翻經雨翳鍾  
我負山靈將白首  
夢魂常繞翠芙蓉

小圃有一種晚菊立春開  
花至二月中旬

猶爛熳可愛陳叔度以詩見贈賦答一

首

欲隨桃李媚春芳不向東籬占晚香  
浪蝶拍來衣讓彩新鶯飛過羽輪黃  
誤傾彭澤先生酒錯認南陽處士莊  
二十四番花信至滿城風雨當重陽

寄李維順明府

一自過從式草廬風塵離別十年餘  
海濱棠樹依稀在嶺外梅花信息疎  
三徑賦歸陶令宅五車諫子鄴侯書  
天涯在說長相憶尺素無由托鯉魚



送黃五丈之武林

弱柳新攀短短條，夕陽亭北馬聲驕。  
雲迷曉寺三天竺，雪捲秋山八月潮。  
畫舫青帘花外酒，玉簫金管竹邊橋。  
野烟蔓草臨安道，往事傷心問宋朝。

送李漢卿之潯陽

路指湓城九派流，貧身漂泊暫依劉。  
江頭夜雨孤眠客，浦口南風五兩舟。  
酒淚暗聽商婦曲，題詩頻上庾公樓。  
憑君一問柴桑里，楊柳門前幾

樹秋

陳惟泰高景倩鄭孟麟過小齋看二月菊  
諸君有詩見貽効長慶體答之

春風已過二三月秋菊猶存一兩枝  
苞笑桃花紅爛熳葉隨楊柳綠參差  
金釵少婦凝妝晚黃裏佳人出戶遲  
野菜開時渾不異誤飛雙蝶到東籬

清明日約叔度惟泰景倩再上鄰霄臺觀  
石刻值風雨連日兀坐小齋有作効長

慶

相期重到烏山頂掃石摩崖覓古鑄風雨不休  
虛節序陰晴難料是春天往來竹徑穿雙屐寂  
寞松窓手一編茶熟自斟還自酌閑時吟咏倦  
時眠

暮春望日同張集虛陳叔度吳元化張陽  
生高景倩尋天香亭并前後古刻風雨  
候至因憇神光菴至暮而歸共限五韻  
危巒路絕蘚痕深借得僧梯踰石林貪覓古鑄

鋤草色偶逢新雨避松陰  
幃幢亂拂遙空影鈴鐺  
鐸微飄隔院音三十六奇  
樑不盡明朝相約更來尋

送陳伯全太史遊太姥

暫別詞垣入五天山衣遙歷翠微烟  
斷崖井籬驪龍母古墓泥封羽鶴仙  
玄籙標名由漢代玉書封禪自闕年  
爭言太史遊踪異禹穴探奇笑馬遷

二月廿三日叔度携具神光菴同汝翔景

清元化慶公尋冲天臺是唐崔干放鶴  
處

勝境何妨數數來穠香備喜柚花開石邊掃葉  
尋危磴雲際披秦覓古臺席地共隨僧坐久冲  
天不見鶴飛回摩厓細說前朝事太守風流舊  
姓崔

送陳伯全太史赴闕

故山不許卧青綾萬里軒車攬轡登筆定雖黃  
三寸鐵官居清秘一條水玉鞭柳色趨朝馬寶

炬蓮花入院燈虎觀正脩通德論本天應待啓  
金滕

遊興田元真觀

郵亭日暮解征鞍遠扣玄宮一暫看花氣蒸林  
晴變霧松陰夾路書生寒玉書函秘栖真閣寶  
劍光懸禮斗壇覓得碧窓閒坐久細將興廢問  
黃冠

五宿萬年宮

自與山靈有夙因清溪九曲往來頻聽殘松籟

山中雨間遍桃花洞口津石榻又眼前度客戲  
冠難覓舊遊人朱顏易逐紅塵老能幾浮生二  
十春

遊武夷遇雨憇萬年宮次在杭韻

溪聲雨色雨潺湲暫駐玄都第一灣新水漸平  
深澗曲舊題猶在敗廊間難携蠟屐窮千嶂誰  
識金丹煉九還花落花開春不管遊人容易鬢  
毛斑

雨中登玉皇閣次韻

雨後丹梯不易攀且尋高閣啟雲關數千賓從  
秦人宴十二仙銜漢代頒風捲虛皇天上節霧  
迷玉女鏡中鬟一丘一壑皆堪賞不放尋山兩  
屐閒

武夷謁王司馬公祠

曾統閩中百萬師千秋伏臘奠芳祠誰知元老  
騎箕日正是君王賜劍時天柱月寒喧鐵鼓  
亭雲起捲牙旗至今猶有遺民淚酒向蒼苔數  
尺碑



虎嘯巖宿王隱泉道人丹室

丹室新開虎嘯峰飛泉百道翠千重  
雨前石塢收新茗雲際柴扉掩亂松  
路絕斷崖通小竹風傳空谷應疎鐘  
無人解到幽栖處塔下惟留猿鶴蹤

水簾洞

山勢疑從鑿五丁  
巉崎磴道舊曾經  
峰開鐵嶂危無路  
水作珠簾瀉莫停  
方士丹爐盈洞府  
神仙金骨闕巖扃  
回思十五年前事  
一枕黃梁夢

乍醒

題趙清獻公祠

青山迴合古祠開，猶有遺民奠一杯。  
引水昔滋千頃稼，憇棠今剩數枝梅。  
夜深月冷冰絃響，天末風高雪羽來。  
過客欲詢康定事，斷碑零落半蒼苔。

遊鉛山石井寺

路傍野寺少人登，峰勢參差削劍稜。  
半嶺草花香是藥，千年松樹小於藤。  
井通石脈瀦泉滿，崖

倚雲根溜雨崩隨喜上方聊駐馬琉璃光映佛  
前燈

贈張叔翹守衢州

曾枉軒車問薜蘿龍門識面歲蹉跎一麾出守  
初分竹七日尋仙訪爛柯已見安昌賓從滿父  
知平子賦才多相逢姑茂城南路蹀躞春風五  
馬過

武林逢顏廷愉出其沉湘遊稿見示荅贈  
戎馬馳驅別故鄉十年消息兩茫茫扁舟獨泛

三潭月幸舍空留一劍霜名姓不隨銅柱拆  
莫猶戀玉闕長何因老去才猶美曾訪竒書入

西陽

遊靈隱寺

路出秋濤九里松前朝名剎白雲封講堂半聳  
孤峰鷲塔院常迴法藏龍滄海入樓看渺渺冷  
泉穿磧聽淙淙寺門近接三天竺朝暮相隨扣  
石鐘

同王玉生鄭吉甫王永啓陳伯全鄧永之

西湖泛舟

水而南風拂柳條湖邊新浪送蘭橈  
鶴翻松影孤山路馬蹴荷香十里橋  
玉液金尊遊客酒瓊櫻珠箔美人簫  
陌頭細聽琵琶語猶撥繁華談

宋朝

岳王祠墓

和議甘將社稷分金牌飛詔返孤軍  
寃隨白馬潮頭月戰阻黃龍塞上雲  
三尺劍鏤空有恨兩官環珮寂無聞  
冬青樹死諸陵廢宰木南枝拜

古墳

雷峰塔

路入湖南亂草烟。孤標斜掛夕陽邊。妖狐引子  
偷殘鐸。頑鼠呼群窟。廢磚處士卜居曾。此地王  
妃施寶是何年。遊人莫更傷零落。吳越遺宮盡  
野田。

題林總卿孤山精舍

孤山處士已移居。此地君來又結廬。荷芰香中  
雙葉月。梅花影裏半床書。石亭弄笛時招鶴。水

閣燃燈夜打魚買斷烟霞堪自老不須頭白賦  
歸歎

表忠觀

越王祠宇枕平湖猶有遺民說故都魚鑰蝕苔  
封玉印蠟涎銜土篆金鋪霜寒一劍留英氣印  
照孤城冷霸圖欲剔殘碑徵往事古文零落斷  
龜趺

同張朗之遊淨慈寺尋蓮花洞

隨喜黃金布地園南屏山影壓空門閣藏經律

三千卷殿列阿羅五百尊雙井湧泉通石脉亂  
巖開洞斲雲根逢僧共話淹留久回首雷聲夕  
照昏

鳳山懷古

宋京王氣又凋殘一片鳳山馬上看野蔓亂纏  
官樹死落花深壑御河乾鬼遊二帝黃沙冷骨  
碎諸陵白塔寒獨有兩高峯頂月年年流影照  
臨安

與吳非熊西湖宿別



三年消息兩浮沉，詎意相逢在虎林。  
鬢上蕭疎添白雪，橐中依舊少黃金。  
宴游山水匆匆樂，離別江湖草草心。  
總爲行蹤期不定，鷗盟何處更重尋。

寄答丁文統

闔海分携十載餘，風塵兩地嘆離居。  
雙鳧舊識空中履，一雁新傳海上書。  
宅傍蕭山開菊徑，江迴潘水繞蘆西。  
陵烟浪西湖月，正是思君夢覺初。

送胡仲脩之燕訪袁中郎

聞海金陵兩見君，虎林相遇又離群。  
欲消逆旅多沽酒，不到空囊莫賣文。  
身逐朔風兼朔雪，夢歸湖水與湖雲。  
美材自有中郎賞，勿歎枯桐爨下焚。

送吳二水謂選赴京

貧因結客更誰憐，強向長安索俸錢。  
身脫裘衣儒不腐，腰懸鞶帶吏如仙。  
謝家已有庭前寶，蘇季寧須洛下田。  
欲博一官堪寄隱，必尋山水到

閩川

壽凌元孚太守七十初度

翠管瑤笙啟壽筵  
朱輪蓬矢一時懸  
虎符近解專城守  
鶴髮新行陸地仙  
酒進方平壺十二門  
闔公子履三千西泠雲  
水南屏月賦就香山結  
社篇

淨慈寺訪壑公

野鶴清猿日徯還  
晚烟秋水映禪關  
心傳東土宗宗法  
足踏西湖處處山  
月隱雷峰鐘磬寂  
風

生雲嶺衲衣聞何因綺語難除盡留得詩名滿  
世間

聶錢唐招同鄭孔肩張維誠陳濟甫集吳

山紫陽庵

邀賓乞假暫從容同上吳山第一峰  
恠石當塔蹲猛虎亂松穿洞蟄群龍  
江潮白送帆千點湖水青迴樹幾重  
勝地淹留堪取醉寥陽宮殿動秋鐘

爲陳定之悼亡

庭上盈盈曉露晞，藁砧歌怨雉朝飛。  
竟隨逝水終難挽，骨閉重泉永不歸。  
濃黛春風閒綺閣，流黃明月罷殘機。  
多情奉倩神傷盡，愁見餘香在故衣。

中秋前一日鄭孔肩招同金子魯中承虞  
長孺吏部黃貞父葛水鑑二禮部王玉  
生毛子上壑上人集淨慈寺待月

湖上清秋約共攀，白雲黃葉滿禪關。  
爐香對坐諸天靜，尊酒同消半日閒。  
雨送法華飛座上

詩

有法  
華堂

月流圓影出林闌相期明歲携書卷分纂

南屏寺裏山

八月望日錢唐觀潮同鄭孔肩

八月秋高氣沈寥西風寒送海門潮六齧簸浪  
坤維坼萬馬騰空坎止搖猛歷天吳神首伏雄  
鷲羅刹鬼魂消靈胥遺恨無時歇怒撼銀山百  
里遙

黃元樞携酒過祥符寺因訂柯山之約

同是天涯不定蹤招提深處偶相逢佛燈共對

琉璃靜客酒頻傾  
琥珀濃座上詩成  
嚴格律盤  
卓塵落避談鋒  
芒屨更訂尋仙約  
直上柯山第一峰

題楊實夫雙栢樓

樓前古栢影團團  
勁操從來耐歲寒  
翠色歷窓流散帙  
清陰當戶拂雕闌  
風吹子落堪焚鼎  
雨澆枝低欲碍冠  
不比柴桑陶處士  
孤松長日撫盤桓

題黃山圖

花下披圖翠欲流。天都形勝曆隋州。猿啼夜月  
三千嶂。鶴夢秋雲十二樓。丞相廢原無甲子。軒  
皇遺鼎自春秋。予生懶慢同宗炳。看取青山卧  
裏遊。

遊爛柯山

翠壁丹崖四面扶。誰知人世有玄都。風傳下界  
鐘。轂杳雲護中峰塔影孤。天色依微通一線。人  
烟縹緲聚三衢。憑高謾道仙難接。帝座冥濛近  
可呼。



石梁天設曲如弓碧漢秋高掛玉虹下關恨無  
流水過中虛常有白雲通清幽萬古留仙蹟雕  
鑿何年役鬼工絕鐸振衣舒一嘯飄搖真欲御  
雄風

仙去樵歸歲幾更洞天留得石楸枰不知甲子  
人間逝只見烟霞局上生夜月照殘碁子韻秋  
風吹落伐檀聲橘中浪說僊然叟坐隱終輪此  
地名

虛明洞府閎青霞石勢盤空島道賒鐵斧斫殘

蒼嶂色玉笙吹盡碧桃花藥爐歲久丹猶伏苔  
碣年深字半斜客到巖前聞剝啄數聲山犬吠  
仙家

徐震伯載酒招同黃元樞飲浮石

浮石在衢州城外白樂天詩云浮石潭邊停  
五馬卽此

一拳浮石卓溪南四面蒼山鎖夕嵐秋橘綴林  
蒸霧熟晚楓沿岸醉霜酣牧童跨犢歸平坂釣  
叟圍魚集暮潭今古幾人來洗酌滿衣涼氣水

烟酒

題徐觀我銓部新園

名園結構傍三衢  
烟樹雲巒面面扶  
曲榭暗通新竹徑  
小橋斜接古菱湖  
柳堤畫靜鶯呼友  
花塢春深鶴養雛  
正合天曹持玉尺  
揮毫未許著潛夫

寧親乞假暫從容  
堂構新成樂事濃  
畢卓酒池雄吏部  
徐陵文海亢吾宗  
名花繞戶紅圍障  
錦石當門翠疊峰  
魚鳥謾興濠濮想  
清時黃閣待

夔龍

雨中同方伯文兵部再至柯山

名山元不厭重過，四面嵐光雨後多。  
上界鐘音來霧壑，半空香氣出雲蘿。  
千秋仙化枰罟子，七日樵回斧爛柯。  
多少古碑碣，巖巖欲尋遺事費。  
摩挲

鄱陽永福寺逢楊青城孝廉

一帆遙指楚天雲，寂寞羈栖蠶水濱。  
殘歲孤身愁作客，他鄉識面喜逢君。  
侯門幸舍偏同入，僧

寺寒鐘每共聞見說漢廷方羽獵螭頭簪筆待  
雄文

陶侃廟

嗟峨廟貌幾千秋鄱水無情日夜流致力中原  
勞運甕委身宗社急登舟昇天一夢生飛翼迎  
帝三軍會石頭目斷金陵王氣盡野烟空鎖晉  
荒丘

宋江萬里祠

國事艱危涕泪煩早投簪弁返家園愁聞宋社

墟南渡忍見元兵駐北門故相衣冠沈止水遠  
民俎豆薦芳蓀蒼茫蠶澤無窟恨九辯誰招萬  
古魂

番陽旅懷

獨客栖栖向楚州天涯誰復問窮愁他山落日  
孤身夜逆旅新霜兩鬢秋結社僧來廬嶽寺寄  
書人去蠡湖舟宵深自有還鄉夢又聽殘鐘響  
石樓

游吳游楚半天涯久客羈栖處處家別路九秋

驚落葉故園三徑負黃花  
慈鳥繞樹寒啼月孤  
鷺橫空晚掠霞深憶小山  
發竹裏課兒周易點  
硃砂

旅寓乾元寺

僧寮借宿旅情孤  
長日清閒事事無  
夜蕪地爐煨滑糲  
晨炊香積薦雕胡  
鐘寒出寺聲周郭  
塔峻凌空影倒湖  
片石嵯峨堪與語  
幾回摹索幾

踟躕 寺中有趙承旨碑

張叔毅招遊高將軍園

將軍園館比何家  
載酒邀惟早放衙  
十畝古篁消露粉  
半巖殘菊綴霜花  
雲邊小閣迴禪峻  
水際雕闌倒影斜  
勝地自深濠濮想  
却忘踪跡在天涯

題劉芝陽大司空澹圃

乞身綠野暫棲遲  
花徑苔裊步屨宜  
水色繞籬青映帶  
石稜當戶翠參差  
竹間日暖鶯啼後  
松際風輕鶴夢時  
四海蒼生思謝傅  
東山未許白雲期



曉渡彭蠡

彭蠡秋高水接天，征帆一片去茫然。  
蘆花飛盡楚岸千重雪，樹擁康山幾點烟。  
報曙野雞殘月後，失群寒雁曉霜前。  
客行不耐風波惡，竟斷漁歌到枕邊。

訪鬱儀王孫

列侯朱邸重南州，詞賦應推鄴下流。  
芳艸春生行樂處，青藜宵映校書樓。  
琉璃硯匣長隨手，玳瑁華簪任滿頭。  
高帝子孫多不億，幾人名姓

立千秋

圖南王孫移家西山賦贈

從來生長在朱門中歲移家入遠村晴放好山  
當屋角暗通流水過籬根應門但委栖松鶴摘  
果頻勞掛樹猿只爲欲成鴻寶訣故尋幽僻避  
塵喧

訪太冲王孫

王孫俠氣自翩翩寶玦珊瑚白玉鞭五夜燈光  
劉向閣半窓圖畫米家船床頭綠酒常留客筆

底青山不賣錢好似滕王工蛟螭風流遺韻至  
今傳

諭宣仲齊申逢汪魯望北上予方歸閩

客歸方買蠡湖舟偶值新知似舊遊  
旅卽乍能交一臂詞壇便已定千秋  
馬蹄臘雪過燕市鶯語春風出鳳樓  
他日相逢期未必相思回首望

南州

與宣仲夜坐因懷曹能始在蜀林茂之在

金陵

故人相遇暫開顏。剪燭西窗夜坐閒。爭道文章  
驚海內。是誰詞賦動江關。兩年信阻金陵道。半  
夜魂飛玉壘山。茗碗爐香消靜夜。頓忘遊子看  
刀環。

答贈鄧泰素孝廉兼送北上

海內聞名廿載前。匆匆相遇蠡湖邊。公車又值  
招賢日。子墨先投幼婦篇。上苑流鶯風裏曲。燕  
臺神駿雪中鞭。入時深淺眉堪畫。莫把紅妝讓  
少年。

豫章得鄭嗣真書寄答

飄身漂泊楚江濱  
同調相違繫遠思  
寄友忽傳鴻鴈信  
驚人爭誦鷓鴣詩  
匡廬雪霽扶筇滑  
彭蠡風高放棹危  
客路梅花增別恨  
贈君先折隴頭枝

別安仁王孫

乍共平湖水畔吟  
交情雖淺別情深  
野橋殘雪聞關路  
落葉清霜楚店砧  
南浦牽衣竟易斷  
西園授簡夢相尋  
從茲小阮聲名重  
遙想風流在

竹林

章江別宣仲

尋君子細說寒暄爲客寧殊在故園千里不孤  
來范式一旬應得醉平原拭殘南浦歸時淚消  
盡東川別後竟中歲離人情作惡朔風零雨出  
江門

西山玉隆宮

西山深處玉隆宮  
拔宅仙人此御風  
已識蛟龍降水底  
似聽雞犬叫雲中  
刀圭洗藥泉猶綠  
文

武燒丹火不紅手植千年留古栢霜皮黛色拂  
長空

巳酉除夕

風塵半載走天涯殘臘催人始到家喜逐少年  
心未老愁論往事鬢將華志衰懶作摩天鶴歲  
去驚同赴壑蛇有客索題春帖子不嫌堆案墨

塗鴉

龍峰集卷之十七終